

四庫全書

集部

欽定四庫全書

宋詩紀事卷三十六

錢塘厲鶚撰

張守

守字子固晉陵人崇寧元年進士紹興中拜參知政事兼樞密院事以資政殿學士知紹興府卒諡文靖有毘陵集

汴上小雨復霽

隄沙不起潤如酥坐看飛雲自卷舒隴陌人閒牛舐犢

柳陂波淺鷺窺魚殘花糝徑東風後碧草黏天暮雨初
分付榮枯蝸兩角濁醪青杏送春餘

前賢小集拾遺

蔡佃

佃字耕道襄之孫旻之子崇寧初進士蔡京當
軸欲羅致門下竟不能屈會星異上疏責監溫
州稅後以朝請郎提點兩浙刑獄

文獻通考直齋陳氏曰余嘗宦莆至蔡忠惠襄
居去城三里荔子號玉堂紅者正在其處矮屋
欲壓頭猶是舊物京卞同郡晚出欲附名閥自
稱族弟襄孫佃唱名第一京時當國以族孫引

嫌降第二個終身恨之

豁然閣

長風東南來濁浪撓清鏡小軒寂寞人默視心獨靜扁
舟暫掩泊思與孤鴻迴洞庭眼中物何必更乘興頑石
謾巔岼終慚泗濱磬

吳江縣志

雷轟滌

在仙遊縣九鯉湖東

水流石激擬鳴雷洞裏乾坤別有臺玉舄扶風飛復下
瓊花帶雨落還開鐘聲敲斷白雲裊樹影盤回黃鶴來

笑道神仙無處覓空畱丹竈冷莓苔

興化府志

曾開

開字天遊贛縣人準子幾之叔兄崇寧二年進士歷官權中書舍人建炎初累遷禮部侍郎兼直學士院忤秦檜出知徽州

李伯紀丞相挽詩

先帝收多士惟公發妙年清班依日月謹論薄雲天終賴高名重來扶大業全誰提太史筆臣主頌俱賢

太上初傳祚安危俛仰間從容回萬乘指顧復三關漠
北塵沙迴閩中日月閒誰知千載後遺恨在燕山

追數中興相公居第一人初期從北狩寧料久南巡此
日勞明主他年憶舊臣東都朝萬國不復見簪紳

一別睢陽後風霜十五年勞生俱老矣流涕獨潛然丹

鼎秋來就心燈半夜傳定應真不死歸卧白雲邊

梁溪集附

朱勝非

勝非字藏一蔡州人崇寧二年上舍登第高宗

朝累除尚書右僕射同中書門下平章事出知

湖州卒謚忠靖

和同省秋夜省宿

老火未甘退稚金方力征炎涼分勝負頃刻變陰晴

容齋四筆政和末老蔡以太師魯國公總治三
省年已過七十與少宰王黼爭權相傾朱藏一
在館閣詩云云兩人門下士互興譖言以為嘲
謔士論指三館為閹藍

天聖寺古檜

雷霆起蟄蚪天矯勢欲上忽然化此木尚作拏雲狀婆

娑枝幹垂生澀紐結壯圖經不能記父老那可訪晉杉
定儕類蜀栢豈輩行櫟夢何足神槐語固已妄自無斧
斤憂未始疑大匠

湖州府志

李 靴

靴字彥淵富陽人崇寧二年進士紹興中除比
部郎秦檜欲以子與靴女為婚靴卻之丐外持
憲閩部奉祠卒有去嗔居士集

三學院

在富陽縣

小檻平臨更爽孤雲徙倚長閒飛出偶成霖雨歸來依

舊青山

杭州府志

李彌大

彌大字似矩號無碍居士彌遜之兄崇寧二年
進士高宗朝歷工部尚書顯謨閣直學士

遊堯峯院

雲峯何啗堯去天餘幾丈其下蔚華林幽禪屹相向我
遊先朝瞰海日射巾杖飛蓋不須持步步蒼松障山僧

知我來羅立鳬雁行提攜兩行人為我談實相一種勿
弦琴三嘆無聲唱開軒面東南千里入俯仰西登妙高
臺更欲恣曠望土斷澤遶山烟濤渺雲浪恐是六鼇連
蓬壺墮莽蒼又疑鯨入海偃脊起青嶂時方老火熾金
石流欲煬須臾變雲雨為作雄風壯翻手回涼秋掀舞
千林響誰云免水宮自是神龍藏三高如可作吾欲五
湖訪洗足巨浸心振衣孤峯上寄語夸奪流得飽但相
忘長哦可當歌踏月下空曠

游洞庭山并序

昔白樂天為姑蘇太守游洞庭山題詩翠峯寺有笙歌畫船之句紹興壬子彌大守平江越月而張片帆來首訪翠峯追懷古昔擬樂天體聊繼其韻時異事別各遂所適之樂爾

山浮羣玉碧空沈萬頃光涵幾許深梵剎樓臺噓海蜃
洞天日月浴闕金秋林結綠留連賞春塢藏紅次第吟

擬汎一舟追范蠡從來世味不關心

以上吳郡志

唐庚

庚字子西丹棱人舉進士受知張商英擢提舉
京畿常平商英罷相貶惠州會赦北歸卒有眉

山集

墨莊漫錄唐子西在惠州釀酒二種其醇和者
名養生主稍冽者名齊物論詩多新意不沿襲
前人語
文獻通考雁湖李氏曰唐子西文采風流人謂
為小東坡

內前行

內前車馬撥不開文德殿下宣麻回紫微侍郎拜右相
中使押赴文昌臺旄頭昨夜光照牖是夕收光如禿帚
明日化為甘雨來官家喚作調元手周公禮樂未要作
致身姚宋也不惡鄉來兩公當國年民間斗米三四錢

獨醒雜志唐子西內前行為張天覺作也天覺
自中書侍郎除右僕射蔡京以少保致仕四海
歡呼善類增氣時彗見而遽沒旱甚而雨人皆
以為天覺拜相感召所致上大喜書商霖二字
以賜故子西具言之
文獻通考直齋陳氏曰張商英拜相子西作內
前行坐貶惠州歸蜀而卒

收家書

西州消息到南州
骨肉無他歲有秋
驥子解吟青玉案
木蘭堪戰黑山頭
即時旅思春冰拆
昨夜燈花黍穗抽
從此歸田應坐享
故山已為理菟裘

除夕

患難思年改龍鍾
惜歲除闕河先壟
遠天地小臣孤
吾道憑溫酒時情
付擁爐南荒足妖
怪此日謾桃符

夜坐懷舍弟

無雲仍露坐有月更江臯沈陸傷吾道浮生憶爾曹扁
舟應夏口此夕數秋毫不見今三載當時已二毛

以上
眉山

集

次韻強幼安冬日旅舍

殘歲無多日此身猶旅人客情安枕少天色舉杯頻桂
玉黃金盡風埃白髮新異鄉梅信遠誰寄一枝春

次韻幼安畱別韻

白頭重踏輓紅塵獨立鴈行覺異倫往事已空誰叙舊

好詩乍見且嘗新細思寂寂門羅雀猶勝纍纍家卧麟
力請宮祠知意否漸謀歸老錦江濱

強行父唐先生文錄云行父自錢唐罷官如京
師眉山唐先生同寓于城東景德僧舍與同郡
關注子東日從之遊退而記其論文之語得數
紙以歸明年先生得請宮祠歸瀘道卒于鳳翔
先生嘗次行父詩二首蓋絕筆于是矣集者逸
之故併記云餘杭強行父幼安記

秧馬

擬向明時受一塵著鞭常恐老農先行藏已問吾家舉
從此馳名四十年

碧溪詩話東坡遊武昌嘗作秧馬歌唐子西至
羅浮始識此器作詩云云亦巧于用事

謫羅浮作

說與門前白鷺羣也須從此斷知聞諸公有意除鉤黨

甲乙推排恐到君鶴林玉露

蔡疑

疑字文饒開封人崇寧五年進士第一累官翰

林學士禮部尚書房州安置

送宋朝請倅邢州

布衣初喜得相從，淡薄情懷老更同。
春酒杯盤花爛漫，夜堂燈火雪冥濛。
家傳辭藻喧時譽，地近鄉枌識土風。
早晚漢庭衰一鶚，待看霜翮上秋空。

詩林萬選

趙鼎

鼎字元鎮，號得全居士。解州聞喜人。崇寧五年，
進士。紹興初，累官簽書樞密院事，拜尚書右僕
射，同中書門下平章事。安置湖州，移吉陽軍。薨。
孝宗朝，賜諡忠簡，贈太傅，配享高宗廟庭，有忠

正德文集

老學菴筆記趙元鎮丞相謫朱崖病亟自書銘
旌云身騎箕尾歸天上氣作山河壯本朝

趨三衢別故人時車駕幸杭州

傖父何由習楚風家山俱在古河東相逢憔悴干戈後
追數悲歡夢寐中摻袂又成千里別放歌空念一尊同
他年儻有加殮字試問漁舟鶴笠翁

咸淳臨安志

夜雨不寐

西風吹雨夜瀟瀟冷燼殘香共寂寥要作秋江篷底睡

正宜窗外有芭蕉

梅磳詩話

梅執禮

執禮字和勝婺州浦江人崇寧五年進士歷戶部尚書死靖康之難高宗朝贈資政殿學士

句

有令可干難閉戶無人堪訪嬾移舟
天之未喪斯文也吾亦何為不豫哉

庚溪詩話和勝未冠時家貧親老無以為養大雪中以詩謁邑宰云云邑令延之令訓其子弟

方應舉未捷有詩自遣云云

成無玷

無玷字士慤武康人崇寧五年進士宣和初官
餘杭丞建炎中知鄂州鞅鞅貝勒圖急無玷堅
守晨起巡城霜滑墜足而卒

洞霄宮

我欲觀太華一笑凌險阻滅跡恨未果衰容遽如許東
南豈不佳泉石閔靈府未訪潛川源且尋天目乳一峯

拔地起離立誰敢侮千年絕附麗萬壑失媚嫵有如人

中傑羞與絳灌伍翠箬藏丹藥

一作砂

石洞飛白鼠遊人

倦登涉異境何由睹振衣凌絕頂雲外聽天語仙人儻
予迎從此遂輕舉

洞霄詩集

廖剛

剛字用中南劍州順昌人崇寧五年進士紹興
中歷官御史中丞工部尚書以徽猷閣直學士
提舉亳州明道宮卒有高峰集

題楊子光雙溪閣

倚天華棟俯長洲，渺渺雙溪一鑑秋。
匹馬問津迷去客，新帆分港競歸舟。
花飄兩洞紅交浪，影落三山翠合流。
清夜鳴榔何處曲，冷光平泛玉簾鉤。

代祖父次韻酬羅君寶見贈

蕭條門巷陋於顏，老去青春僅得閒。
心畫傳家無計策，手談畱客漫機關。
靜思往事千年上，俯歎勞生一夢間。
多謝光臨無別意，為聞流水與高山。

題南墩鋪

雨中聞猿聲素所未識復渡二峻嶺蓋亦初見因紀行役之勞云

見說龍巖路猿啼今始聞
深林埋宿霧高嶺出層雲
天去頭三尺崖垂足二分
只愁雙目眩敢恃一杯醺
捫歷泥增滑瘡痛日向曛
長安九軌道誰識此閒情

題渚宮

畫橋紅去卷蛾眉
臺榭遺蹤草樹迷
獨有天然無限意
一池春水浴鳬鷺

蔓草春深綠更齊
玉鞭何處選芳菲
舊時錦繡叢中蜨

卻傷疎籬野菜飛

衛州試院次韻盛當時官長寵示絕句

洗眼貪看幼婦詞
玉人空遣暗相思
憑誰為報歸期近
趁得桃花爛漫時

題蔡州柳莊鋪

雲垂曠野路漫漫
策策秋聲作暮寒
已分故園天樣遠
不知何處是長安

以上高峯集

吳侔

個字公度烏程人崇寧五年進士試禮部第一
仕至敕令所刪定官出為寧海推官

宿大滌山

解驂投宿到蓬壺骨冷魂清夢寐無可怪春禽曉啼月
又催行李出凡途

洞霄詩集

龔 況

況字濬之程子崇寧五年進士終祠部員外郎
右朝議大夫自號起隱子有起隱集

詠劉伶

逃名以酒轉名高
醉裏張髯買二豪
日月已為吾戶牖
何妨東海作醇醪

九日

自古誰無九日詩
詩成須道菊花枝
直饒無菊何妨醉
野蓼村葵總是題

遊天峯寺

杖藜高踏半山雲
不見此山知幾春
異時人物凋零盡

只有青山似故人

送唐太監

東門相別又相逢轉覺衰頽一老翁
子約重來我方去滿庭黃葉正秋風

句

貪山借船賞嗜酒典琴沽閒多卷滿
新成句嬾極牀堆未荅書客疎閑吠
犬庖匱割啼雞得句怕難續避人長
轉多山色秋難老池光夜不昏

以上中吳紀聞

史徽

徽字洵美鹽官人崇寧五年進士累官右司郎中
高宗即位起為司農少卿建炎三年扈駕江
口遇害贈觀文殿修撰

大觀間題南京道河亭

穀雨初晴綠漲溝落花流水共浮浮東風莫埽榆錢去
為買殘春更少留

陶朱新錄

李光

光字泰發上虞人崇寧五年進士累官司勲員
外郎欽宗擢右司諫高宗朝進吏部尚書除參
知政事因爭和議安置瓊州移昌化軍卒追復
資政殿學士謚莊簡

千巖亭

家山好處尋難徧日日當門只卧龍
欲盡南山巖壑勝
須來亭上少從容

老學菴筆記李莊簡奉祠還里先君築小亭曰
千巖盡見南山公來必終日嘗賦詩云云言及

時事憤切興歎謂秦相曰咸陽一日舉酒屬先君曰某行且遠謫矣咸陽尤忌者某與趙元鎮耳趙既過嶠某何可免青鞵布韞即日行矣後十餘日果有藤州之命

哭子

脫屣塵寰委蛻蟬真形渺渺駕非烟丹臺路杳無歸日
白玉樓成不待年宴坐我方依古佛空行汝去作飛仙
恩深父子情難割淚滴千行到九泉

賓退錄李莊簡之子孟博苦學有文紹興五年進士第三人及第隨父南遷卒於瓊州先是數月孟博夢至一所海山空濶樓觀特起雲霄間有軒櫺曰空明先世諸父環坐其中指一席曰

畱以待汝遂寤臨終雲氣起於寢冠服宛然自
雲中冉冉升舉瓊人悉見之莊簡有詩悼之云

越州雙雁道中

晚潮落盡水涓涓柳老秧齊過禁烟十里人家雞犬靜

竹扉斜掩護蠶眠

詩人玉屑

戲贈伴送使臣

日日孤村對落暉蠻烟深處忍分離追攀重見蔡明遠
贖罪難逢郭子儀南渡每憂鳶共墮北轅應許雁相隨

馬蹄慣踏關山路他日看來又送誰

詩人玉屑公在政府與秦檜議論不合為中司所擊送藤州安置差密院使臣送之公戲贈詩云云

題廣德州三峯樓

一川花柳擁雕闌濃綠浮空四面山便欲攜家來此住
不將名姓落人間

方輿勝覽莊簡自記云上虞李泰定提兵平宣城寇回登此留宿紹興壬子季春五日題

智林寺 在常熟縣李墓村

扁舟來訪小叢林花木通幽院落深
旋拂胡牀成午夢閒持貝葉動秋吟
竹聲瑟瑟生虛籟山意峩峩入素琴
更喜老綱能會事手攜爐鉞自相尋

蘇州府志

輓李忠定綱

忠言直節動華夷肯為投閒便息機
南國忽聞梁木折中原猶望袞衣歸
平生學術唯心得晚節功名與願違
老病無因執袂哀朔朔風空有淚霑衣

邵武府志

李邴

邴字漢老濟州任城人昭玘猶子崇寧五年進士累官翰林學士紹興初拜參知政事資政殿學士寓泉州卒謚文敏有雲龕草堂集

揮麈錄漢老少日作漢宮春詞膾炙人口所謂問玉堂何似茅舍疎籬者是也政和間自王省丁憂歸山東服終造朝舉國無與談者方偃偃無計時王黼為首相忽遣人招至東閣開宴出其家姬十數人酒半唱是詞侑觴大醉而歸數日遂有館閣之命

小學紺珠南渡三詞人李邴汪藻樓鑰也

詠梅

綿霜歷雪念開遲
風笛無情抵死吹
鼎實未成心尚苦
不甘桃李傍疎籬

能改齋漫錄李漢老建炎末自簽書樞密遷知院二三月而罷為梅詩以托意

銅雀硯

魏宮歌舞久成塵
重見陶家幾世孫
銅雀不鳴唯解渴
管城何罪遽遭髡

硯箋云徐鉉得銅雀瓦注水試墨即滲鉉笑曰豈銅雀之渴乎漢老詩蓋因此

九日

木落霜洲溪水清登臨滿目是飄零黃花有意憐幽獨

白酒無聊漫醉醒

闕五六二句

牢愁錯倚西風立楚些已渝

不可聽

合璧事類前集

宮詞

舞袖何年絡臂鞦蛛絲網斷玉搔頭羊車一去空餘竹

紈扇相看不到秋

宋藝圃集

謁廸上人

數脊招提四面山羨師終日掩柴關憑闌人語風烟上

乞食僧來紫翠間，萬木深藏雲泐莽。
一溪空鎖月彎環，十年不踏門前路。
只遣松風送我還。清源文獻

琴泉軒次韻

但怪朱絲韻枯木，那知古澗墜寒泉。
鳥啼靜夜應傳譜，風入寒松擬續弦。
妙體難尋斤斲處，高吟寧墮膝橫邊。
飲光到此如欣舞，笑倒雲門逸格禪。
南安縣志

寶林寺

青燈映獨宿，世事忽如遺。
一榻寒無夢，高齋靜見詩。
長

空消海氣遠壑淡幽姿欲問無生意高人不可期

雪軒

在叢山戒珠寺

四山環繞翠岑堯想見凌晨雪未消四萬八千修月手
不知何處琢瓊瑤

以上紹興府志

方惟深

惟深字子通莆田人家長洲崇寧五年特奏名
授興化軍助教有方秘校集

中吳紀聞子通最長於詩凡有所作王荆公讀
之必稱善謂深得唐人句法子通遊王氏之門

初無迎合意後隱城東故廬與樂圃先生皆為一時所高每部使者及守帥下車必即其廬而見之前後上章論薦者甚衆竟絕祿仕意僧仲殊贈詩有依舊淒涼無長物只餘松檜養秋風之句可以見其清高矣年八十三歲無子一女適樂圃先生之子發

以詩集呈荆公侑以詩

年來身計欲何為
跌宕無成一軸詩
嬾把行藏問詹尹
願將生死遇秦醫
丹青效虎留心拙
斤匠良工入手遲
此日知音堪屬意
枯桐正在半焦時

訪人不遇題壁

何年突兀庭前石昔日何人種松柏乘興閒來就榻眠
一枕春風君莫惜城西今古陽山色城中誰有千年宅
往來何必見主人主人自是亭中客

謁荆公不遇

春江渺渺抱檣流烟草茸茸一片愁吹盡柳花人不見
春旂催日下城頭

中吳紀間此詩荆公親書方冊間因誤載臨川集

和五日郡守開宴會九老子廣化寺韻

使君瀟灑上賓閒，金地無人晝閉關。
風靜簫聲來世外，日長仙境在人間。
詩成郢客爭揮翰，曲罷吳姬一破顏。
此節東南無此會，高名千古映湖山。

以上中吳紀聞

程公闢留客開元寺飲二首

書錦新坊路稍西，興來攜客就僧扉。
尊前倒玉清無比，筆下鏗金妙欲飛。
籃輦直須乘月去，榜歌時聽採菱歸。
流傳白雪吳城滿，頓覺炎歎一夕微。

仙老論文小，往還多才令尹獨。
能攀攜觴步千花界。

借榻清臨一水間笑語不驚沙鳥去襟懷猶道野僧閒
城中此地無人愛坐對西南見好山

劒池

雲崖倚天開蒼淵下澄澈世傳靈劒飛山石千丈裂神
蹤去不返今作蛟龍穴是非莽難詰歲久多異說惟當
清夜來靜賞潭上月

千人石

生公天人師講法花雨墮當時聽法衆并入千人坐山

祇常護持山鳥不敢浣野人心茫然傲蕩多酒過醉來
不肯歸石上看雲卧

以上吳郡志

和周楚望紅梅用韻

清香皓質世稱奇試作輕紅更自宜紫府與丹來換骨
春風吹酒上凝脂直教臘雪無藏處只恐朝雲有去時
溪上野桃何足種秦人應獨未相知

瀛奎律髓云曾表父艇齋詩話以此為徐師川
十三歲詩見知東坡蓋妄也慶元中陳剛刊板
已著為子通矣

舟下建溪

客航收浦月黃昏野店無燈欲閉門
倒出岸沙楓半死繫舟猶有去年痕

蒲陽文獻此詩荆公愛之嘗書坐右後人誤入荆公集中

王宋

宋字輔道一字道輔韶子登第官校書郎翰林
學士兵部侍郎宣和中以左道為林靈素所陷
棄市

同劉元靜遊嵩山峻極中院作

爛紅一點出浮漚夜坐嵩峯頂上頭笑對僧窗談祖德

當年七十四回遊

風月堂詩話洛陽劉伯壽築室嵩山下每登高
頂回則於峻極中院援筆記歲月捐館之年題
云予今年若干歲登頂凡七十四次矣精力雖
疲而心猶未足也王輔道學士與其孫宣義郎
元靜遊嵩至中院作一絕句示之

浪花

一江秋水浸寒空漁笛無端弄晚風萬里波心誰折得

夕陽影裏碎殘紅

夷堅志曹道冲售詩京都隨所命題即就羣不
逞欲苦之乃求浪花詩絕句仍以紅字為韻曹
謝曰非吾所能為唯南薰門外菊坡王輔道學
士能之耳不逞曰我固知其名久矣但彼在館
閣吾儕小人豈容輒詣曹曰試齋佳紙筆往拜
求之必可得於是相率修謁下拜有請王欣然
捉筆一揮而成讀者歎服

汪藻

藻字彥章德興人崇寧中第進士高宗朝累除
中書舍人兼直學士院擢給事中遷兵部侍郎

兼侍講拜翰林學士出知外郡奪職居永州卒

有浮溪集

寓簡秦熺狀元及第汪彥章以啟賀會之有云
三年而奉詔策固南宮進士之所同一舉而首
儒科蓋東閣郎君之未有本欲屬對之工而熺
父子怒以為輕已彥章自此得罪羈置湖湘
孫覲汪公墓誌云公以大手筆稱天下金華勸
講石室紬書典冊施之朝廷樂歌薦之郊廟鴻
文碩學暴耀一世而詩律高妙興寄深遠亦非
近世詩人所能

桃源行

祖龍門外神傳壁方士猶言仙可得東行欲與美門親

咫尺蓬萊滄海隔
那知平地有青雲
只屬尋常避世人
關中日月空萬古
花下山川長一身
中原別後無消息
聞說邊塵因感昔
誰教晉鼎判東西
卻媿秦城限南北
人間萬事愈堪憐
此地當時亦偶然
何事區區漢天子
種桃辛苦求長年

庾溪詩話語意新妙王摩詰韓退之劉禹錫王介甫諸人所未道

避地西亭野步

今日幸無雨
天空出遙岑
行行不知疲
遂至春江潏

路轉籬落人家在桑陰平疇漲清波隴麥如人深溝畎
戲鳬驚新蒲映浮沈我生本樵漁對此諧初心風物豈
不好悲來自能任邊塵暗中原四海如驚禽黃屋狩萬
里兩宮隔晨昏龍移螻螳窺月晦蟾蜍侵宇宙有顛覆
茲遊豈嶮欽銷憂賴濁醪太息誰能斟

過臨平

一別九霄路風烟長滿衣已成身老大無復世輕肥天
濶鳥雙下山寒人獨歸曉來何處雨春水滿巖扉

睡起涼生岸鉤簾坐小窗
麥風能起柁梅雨不鳴江
往事心常折歸途影自雙
依然蒲柳地人老故先降

以上浮溪集

春日

一春畧無十日晴處處浮雲將雨行
野田春水碧於鏡人影渡傍鷗不驚
桃花嫣然出籬笑似開未開最有情
茅茨烟暝客衣溼破夢午雞啼一聲

遊宦紀聞此篇一出為詩社諸公所稱蓋公幼年作也

題張資政汝川圖

澹巖書堂

昔人曾此結精廬故老猶傳井臼餘
今代子房來卜築要看圯上一編書

多寶院

每尋疎磬訪支郎苔竹交陰杖屨旁
絲履氎巾聊取用風流不減贊公房

金石臺

花光連接兩臺春中有眠雲跂石人莫使鞭笞驚鳳去
時來重現宰官身

懷賢菴

履綦行處日蒼苔輦悅深藏月一開已辦此身同法喜
不應臨感更難裁

題江南春曉圖

忽從林杪見朝暉釋嶠孤雲半欲飛何惜扁舟并畫我
要從海際望春歸

題大年小景

忽驚坐上江天渺半幅鵝溪寫霜曉風低黃蘆潮欲到
平沙無人喧宿鳥向來著眼應萬里開卷尺餘那盡了
須知王孫寄筆力平日氣吞雲夢小故將點綴調兒輩
不待淋漓翻墨沼滕王蛺蝶往誰並曹霸驊駟今已少
坐令好事費百金窗几短屏橫軸繞君家此本傳幾世
羈客見之先絕倒江頭歷歷舊行處好在漁磯落寒潦
浮家汎宅歸去來還看飛鴻卧林杪

以上聲畫集

題止戈堂

此老胸中百萬兵，暫勞試手沸狼羣。
山頭不復望廷尉，柱後何須用惠文。
解帶為城聊戲劇，賣刀買犢便耕耘。
三山勝處開華屋，千載人傳舊史名。

千里閩山驛騎飛，天書趣解海邊圍。
異軍方逐蒼頭起，元帥徐將白羽揮。
翻就饒歌春舉酒，收還烽火夜開扉。
向來萬事關兵氣，都作風光坐上歸。

桐江詩話程進道紹興初帥閩中殄滅諸寇以武庫為止戈堂一時諸公題詠甚多汪彥章二

詩為絕唱

士人買妾既而疾以詩戲之

但知瓊樹鬪清新不道三彭接有神處仲未聞開閣事
維摩空對問禪人封侯燕頤何妨瘦伐性蛾眉卻怕顰
從此空花掃除盡定須嚼蠟向橫陳

陶朱新錄

賦琴高魚

百川萃南州水族何磊砢其間琴高魚初未列楚此豈
堪陪薨鮮裁用當肴果土人私自珍千里事封裏遂令

四方傳唯嚼亦云頗俗云琴高生控鯉宛溪左靈蹤散
如烟遺鬣尚餘顙向來騎鯨人逸駕嘗慕我不應當時
遊反用此么麼得無效齊諧怪者記之過彭越小如錢
蹤跡由漢禍越王載王餘變化更微瑣因知天地閒人
莫窮物夥區區于其中臆決蓋不可偽真吾何知且用
慰頤朶

賓退錄涇縣東北二十里有琴溪俗傳琴高隱
所溪中有一種小魚他處所無俗謂琴高投藥
滓所化號琴高魚歲三月來集漁者網取漬鹽
曝之州縣須索以充苞苴其來久矣前輩多形

之賦詠汪浮溪此詩本集不載

郊丘書事

琅輿深出未央門十里園壇氣象尊
珪璧三千周典備
貔貅百萬漢兵屯
青城浮靄連霜動
黃道微風帶日溫
不用靈光符聖武
從來精稷荅乾坤

前賢小集拾遺

隆祐太后挽詞

慶源由魏國奉祀及宣仁盛德儀中壺
私恩絕外親長
秋期不老厚夜忽無晨
來歲柔桑綠誰臨
繭館春

朔漠遐征後南州
俶擾時人心憂社稷
天意屬簾帷擁
佑千齡主圖回
萬世基中興能事畢
脩與帝鄉期
合璧事類

前集

秀水閒居錄元祐末哲宗方擇后京師里巷作
打球戲以一擊入窠者為勝謂之孟入于是孟
在女應入宮之選至紹聖間禁掖造繡有匠者
姓孟獻樣兩大蝴蝶相對掩以繡帶曰孟家蟬
民間競服之未幾后廢處瑤華宮號華陽教主
玉清妙靜仙師議者皆以為蟬者禪也出家之
兆也靖康中京師失守皇族近屬皆詣金營以
后廢歲久無預時事不復取金既退邦昌請后
入居延福宮今上踐阼迎后至睢陽上尊號曰
隆祐皇太后建炎三年車駕至餘杭有苗劉之

廢后復垂簾以平內難紹興元年崩于會稽上
謚號曰昭慈獻烈後更謚曰昭慈聖獻至是前
識乃驗焉孟入者兩復入也蟬者禪御兩地垂
簾之應也大統中絕而復續天位暫傾而復正
者后之力可謂異人矣

宿焦山方丈

明發理烟艇歡言濟遙岑盤渦沸風雨稍辨鐘磬音行
行並疎柳迎客多幽禽扶輿上犖确始見江湖深臺殿
明海色嵌空憶龍吟修廊延客步妙香慰人心遐眺未
云極千巖忽秋陰孤月欲生嶺諸天悉浮金茲遊信奇

絕況接支道林夜語不知旦虛窗對橫參人間驚毫末
物外雄窺臨稽首悟真理微生安所任蒼崖有奇字霜
乾約重尋

京口三山志

句

人間何事非戲劇鶴有乘軒蛙給廩

水經注引晉中州記惠帝為太子令

曰若官蝦蟆可給廩 因學紀聞

王雲

雲字子飛澤州人舉進士嘗使高麗撰雞林志

以進擢祕書郎靖康中以資政殿學士副康王
使金次磁州為百姓所殺

程卓使金錄磁州驛有顯應崔府君廟高宗為
王尚書雲迫以使金磁人擊裂王雲高宗欲退
無馬可乘神人扶馬載之南渡河今立祠西湖

贈大仰齊禪師

大仰古名刹師居二紀中本無一法說須信萬緣空體

與太虛合心將諸祖同唐來三百載不墜釋迦風

袁州府志

句

為憐綠葉四時在不可朱闌一日無

此君軒
花谷

錦繡萬

徐文

文高郵人

題雪竇和尚親書偈卷

老子休去歇去遺墨今傳古傳相見本來面目不離當

處湛然

崇寧癸未高郵徐文

志雅堂雜抄

宋詩紀事卷三十六

欽定四庫全書

集部

宋詩紀事卷三十七

詳校官給事中臣鄧文泮

侍讀臣孫球覆勘

總校官進士臣繆琪

校對官中書臣鮑之鍾

謄錄監生臣錢萬卷

欽定四庫全書

宋詩紀事卷三十七

錢塘厲鶚撰

曾幾

幾字吉甫贛縣人徙河南以兄弼恤恩授將仕郎試吏部優等賜上舍出身歷校書郎高宗朝歷江西浙西提刑與秦檜不合去位僑寓上饒居茶山寺自號茶山居士檜死召為秘書少監權禮部侍郎提舉玉隆觀致仕卒謚文清有集

詩人玉屑唐人詩喜以兩句道一事茶山詩中多用此體如又從江北路重到竹西亭若無三日雨那復一年秋似知重九日故放兩三花次第繙經集教兒理在亡又得新詩句如聞磬欬音如何萬家縣不見一枝梅此格亦甚省力也又云陸放翁詩本于茶山故趙仲白題曾文清公詩集云清于月出初三夜澹似湯烹第一泉咄咄逼人門弟子劒南已見一燈傳謂放翁也然茶山之學亦出于韓子蒼三家句律大槩相似至放翁則加豪矣

汪彥章內翰除守臨川以詩賀之

臨川內史詔除誰里巷傳聞報客知
金馬門深曾草制
水精宮冷近題詩
行看畫隼旌旗入
定把書麟筆札隨

若訪毘耶舊居士無人問疾鬢成絲

三衢道中

梅子黃時日日晴小溪泛盡卻山行綠陰不減來時路
添得黃鸝四五聲

以上前賢小集拾遺

題訪戴圖

小艇相從本不期剡中雪月並明時不因興盡回船去
那得山陰一段奇

賓退錄

茶山

似病元非病求閒方得閒殘僧六七輩敗屋兩三間野
外無供給城中斷往還同行木上坐相與住茶山

清波雜志

謝路憲送蟹

從來歎賞內黃侯風味尊前第一流祇合蹣跚赴湯鼎
不須辛苦上糟丘

娛書堂詩話內黃侯甚新

雪中登王正中書閣

對雪誰堪語登樓似欲仙人家修月戶丈室散花天峰

疊鉤簾外江橫隱几前寒深落雁渚清集釣魚船解病
從摩詰消愁得仲宣展書明細字烹茗溼疎煙月好還
同夢詩成已下弦明年儻相憶為一到關邊

瀛奎律髓

諸人見和返魂梅再次韻

蠟炬高花半欲摧斑斑小雨學黃梅有時燕寢香中坐
如夢前村雪裏開披拂故令攜袖滿橫斜便欲暎窗來
重簾幽戶深深閉亦恐風飄不得回

瀛奎律髓製香者合諸香令氣味如梅花號之
曰返魂梅詩中數句善形容前村雪裡橫斜映

窗等語挽而歸之于所聞之香既雅潔又標致

壬戌歲除作明朝六十歲矣

禪榻蕭然丈室空薰銷火冷閉門中光陰大似燭見跋
問學祇如船逆風一歲臨分驚老大五更相守笑兒童
休言四十明朝過看取霜髯六十翁

瀛奎律髓此紹興十二年壬戌也

遊張公洞

張公洞府未著腳向人浪說遊荆溪欲看直上翠羽蓋

不惜扶下青雲梯勁風翻動土囊口暗水流出桃花蹊
卻將深處問兒輩一夕飛夢窮攀躋

發宜興

老境垂垂六十年又將家上鐵頭船客留陽羨祇三月
歸去玉溪無一錢觀水觀山都廢食聽風聽雨不妨眠
從今布韞青鞵夢不到張公即善權

宜興邵智卿天遠堂

目極雲沙靜渺然邵卿風月過年年雁行滅沒山橫晚

漁艇空濛水接天南國棠陰春寂寂東風瓜蔓日綿綿
問君許作鄰翁否陽羨溪邊即買田

以上咸淳毘陵志

聞李泰發參政得旨自便將歸以詩迓之

苦遭前政墮危機二十餘年詠式微天上謫仙皆欲殺
海濱大老竟來歸故園松菊猶存否舊日人民果是非
最小郎君今弱冠別時聞道不勝衣

菊坡叢話

送倉部呂治先守齊安

倉部名大器字治先茶山之壻是生東萊先生成公

者

齊安剖竹要循良分付吾家坦腹郎
賸有江山連赤壁終稀獄訟到黃堂
鈴齋晝永宜深念邊瑣秋高合過防
此地元之遺烈在風流容易鬢毛蒼

曹氏歷代詩選

程堂

堂字公明眉山人舉進士為駕部郎中善畫墨竹

題成都笮橋觀音院自畫竹

無姓無名逼夜來院僧根問苦相猜
攜燈笑指屏間竹

記得當年手自栽

畫繼

翟汝文

汝文字公巽丹陽人舉進士累官浙東安撫使
紹興初拜翰林學士參知政事卒門人私謚忠
惠先生有集

焦山

水輪依風負坤輿百川東流同灌輸掀巾之陂莽吞受
沃焦之山初不濡雲根終久插江湖狂瀾滔天隨卷舒

空神迴標避突兀海門排霄岌相扶僧居蟻山迷向背
佛宇蜃氣成吹噓我游玄冬崖壑枯洪濤濺雨吹裳裾
風來駕潮愁海若溟漲跋浪翻鯨魚虞淵咸池相蕩滴
月阿日窟漂方隅此身浮漚一緣聚四大溼相彌空虛
鍼鋒懸持妙喜住蟲睫坐睨焦螟居山中老禪眼於菟
香飯遣化分彫胡重淵垂涎舞蛟首方丈宴寢凝熏爐
夜寒月黑照濁水乞取壞衲摩尼珠

京口三山志

句

青女霜如失黃人日故遲

困學紀聞符瑞圖日二黃人守者外國人來降
翟公巽云云

張擴

擴字彥實一字子微鄱陽人崇寧中進士南渡

歷中書舍人有東窗集

約兄楚材西湖觀梅次韻

天上新驂寶輅回看花仍趁雪英開折歸忍負金蕉葉
笑插新臨玉鏡臺女堞未須翻角調錦囊先喜助詩材

少蓬自是調羹手葉底應尋好句來

揮塵餘話彥實知廣德軍秩滿造朝除著作郎其兄楚材為祕書少監彥實約觀梅西湖楚材有詩彥實次韻云云時楚材再婚故及玉鏡臺事秦會之見之大稱賞曰旦夕當以文字官相處遷擢左史再遷而掌外制

戲成二毫筆絕句

已羞曾借虎皮蒙筆陣仍推兔作鋒未用吹毛強分別
即今同受管城封

揮塵餘話揚原仲與彥實並居西掖代言多彥實與之潤色偶成二毫筆絕句原仲以為誚已

愬之會之誅言路彈之彥實罷為宮祠

送顧景繁暫歸浙西

牆頭飛花如雪委牆根老柳絲垂地春正濃時君不畱
山路曉風鳴馬箠濤江入眼浪千尺想見吳儂問行李
田園久荒漫檢校親舊相逢半悲喜行朝諸公訪人材
故人新賜尚書履袖中有策則可陳君亦因行聊爾耳

贈顧景繁

顧侯風味更嚴苦家貧闕辦三韭菹龜腸撐突五千卷

底用會粹箋蟲魚

虎頭文字逼前輩袞袞顛蒙分尺素天閑老驥日千里

何用鹽車追蹇步

以上中吳紀聞

詠曾徽言端硯

君家文房珍尤者一一數端溪從誰得不記歲月古中
窪削天成外鑿餘雷斧向來崔葦中險作百碎補硯箋

蔡居厚

居厚字寬夫熙寧御史延熙子第進士大觀初

拜右正言累官徽猷閣待制有詩話

句

先生萬古名何用博士三年冗不治

為太學博士和人韻
梅堯詩話

宋 肇

肇字楸宗巫山令與蘇黃游

杜鵑

暖雲無定半陰晴茅屋紙窗深復明喬木參天竹千莖
巴山欲曉風露清杜鵑飛鳴遶江城魚腹四月江水生

林花落盡空含情
灤東灤西朝暮聲

全蜀藝文志

三峽堂

林巒十里上巉巖
飛檻初憑縹緲閒
夔子風烟依白帝
夜郎耕稼接烏蠻
砌橫亂石遙臨澗
門對高峯近帶山
咫尺驚湍吁莫測
每來登此念鄉關

白帝城

江雨霏霏白帝城
秋草未枯春草生
古來獸壘如雲橫
萬里瞿塘斷人行
至今三峽路崢嶸
時清不見更屯兵

荒涼廢堞沒春耕但見牛羊日西平

以上四川總志

宋京

京成都人崇寧進士

琴臺

蜀事補亡

君不見成都郭西有琴臺長卿遺跡埋黃埃千年兔為
狐兔窟化作佛廟空崔嵬黃鬚老人猶記得昔時荒破
樵蘇入鉏犁畏淺牛腳勻古甕耕開數逾十乃知昔人
用意深甕下取聲元為琴人琴不見甕已掘唯有鳥雀

來悲吟一朝風流隨手盡
沉復千年何所訊
安得雄辭弔汝魂
寂寞秋蕪耿寒燐

武擔

君不見蜀王妃子墓
突兀成都城中若山積
墓頭寒鏡澀無光
妒月欺烟化為石
鴻荒無根憑野史
直謂山妖化妃子
臨終未免懷首丘
運土山中葬于此
山名武擔錦江邊
用是得名千萬年
如今佛閣倚空翠
老木盤鬱摩蒼天
晴雲入穴西山出
捲簾坐見嵐光滴
安得文如

汲冢書免使後人疑往昔

以上成都文類

徐 適

適閩人崇寧中特奏名仕至朝官知廣德軍

瓊林宴罷作

白髮青衫晚得官瓊林宴罷酒腸寬
平康過盡無人問
畱得宮花醒後看

墨莊漫錄崇寧二年徐為特奏名魁時已老矣
赴聞喜賜宴於瓊林苑歸騎過平康同年所簪
花多為羣倡所求唯適至寓花乃獨存因戲題
一絕

蔣存仁

存仁崇寧閒青田人

題八角亭

在青田縣南陳安撫汝錫建

由來祇說四簷亭今日先生八角成最喜瀟瀟春夜雨

一簷分作兩簷聲

括蒼彙紀

葛繁

繁丹徒人興祖子號鶴林居士崇寧閒臨穎主

簿守鎮江

題雪竇和尚親書偈後

真機昔振雲門路祖席今多雪竇孫傳到慧林花果盛

須知葉落總歸根

志雅堂雜鈔

王 叡

叡號靈轂子崇寧閒人

解昭君怨

莫怨工人醜畫身莫嫌明主遣和親當時不作關氏去

祇是宮中一舞人

侯鯖錄

柳交

交字成叔崇寧丙戌為袁州別駕

題洪陽洞

在袁州分宜縣

洞口春歸草木長洞中流水薜蘿香真仙鶴馭今何處

應共白雲朝帝鄉

游名山記

侯彭老

立春

朝來煮菜往鞭牛已覺江邊雪意休習習東風收雨腳

暄暄曉日綻雲頭
尊前未放梅花老
鬢上先看柳帶柔
及取春花時一醉
莫教沈瘦更清秋
合璧事類前集

李夷行

夷行字炳大崇寧間都水丞出為泗州守入元祐黨籍

題獨樂園見山臺
臺側盡栽花卉

闕首句

紛紛紅紫簇虛簷
山光不肖饒春色

故向花閒出數尖
過庭錄

潘良正

遊洞霄宮

石壇風冷露華凝，羣玉崢嶸簇畫屏。
水赤久傳丹作井，山高時借翠為庭。
鶴迎仙馭迷三島，雲入洞天朝百靈。
回首武陵歸去路，碧桃零落晚峯青。

洞霄詩集

江贇

贇字叔圭，崇安人。初舉八行，游上庠，學士蘇德輿薦其賢，召不赴。政和中，太史奏少微星見朝

命舉遺逸三聘不起賜號少微先生有通鑑節
要行于世

和邑宰韻

一室蕭然傍水灣應知窮達不相關釣魚溪遶黃沙路
種粟原通白馬山何事偶逢天子詔疎才寧望嗇夫綸
瑤篇總媿非吾事自信巢由別有班

崇安縣志

鄧春卿

春卿字榮伯長汀人崇寧閒詔舉遺逸八行皆

不就

絕句

在陋媿無顏子志過廬難稱魏公心望塵不敢希潘岳
雲滿山頭雪滿簪

萬姓統譜鄧春卿卜築南山之阿太守章清訪
之謝不能肅有詩云云

周彥質

彥質崇寧間直祕閣權發遣江東南路轉運副
使有宮詞

宮詞

太一元宵駕幸初
喧闐絲管擁鑾輿
主家夾道金車駐
步障徐開奏起居

文思主吏籍通閨
逐節供須各品題
知是禁園桃菜日
雕牀十扛進金篦

翠弁仙衣下玉廊
修真宮女夜焚香
舒徐有月隨蓮步
綽約無人見靚妝

名園蹴踘稱春遊
近密宣呈技最優
當殿不教身背向

側巾飛出足跟毬

端午茸花簇彩鸞高標寶鑑鏤金盤不宜夏景銷酥腕
似覺新來百索寬

資善諸王就傳初常宣步輦按觀書六宮準擬經由處
一一排門候起居 十家宮詞

陳虛中

虛中崇寧閒守臨川

魏壇觀

夫人在兮若冰雪夫人去兮仙跡滅可怕如今學道人
羅帟帶上同心結

復齋漫錄臨川距城南一里有觀曰魏壇蓋魏
夫人經遊之地具諸顏魯公碑以故諸女真嗣
續不絕然而守戒者鮮矣陳守虛中云云

陳恬

恬字叔易堯叟裔孫居陽翟澗上村無仕宦意
崇觀閒朝廷召之郡守勸駕不得已而起建炎
初召赴行在直祕閣有澗上丈人集

過庭錄隸州陳恬叔易以才名稱鄉里自號澗上丈人里人之子從叔易學文而好刷飾頭面

舉止妖嬈目為澗上丈母

郡齋讀書志陳恬與鮮于綽崔鷗齊名號陽城三士又與晁以道同卜隱居于嵩山大觀中召赴闕除校書郎以道寄詩戲之曰處士何人為作牙盡攜猿鶴到京華故山巖壑應惆悵六六峯前祇一家

寄晁以道求嵩山長松

松上花兮松下根食之年貌與松鄰君今既是松閒客

采送衰翁亦可人

珊瑚鉤詩話

題畫扇

萬里稻梁高興誰將出入君懷已訝天邊月上更疑頻

末風來

聲畫集

子規

暮春春已晚不見子規飛莫是無歸處山禽不勸歸

後村

千家詩

謝葛汝州寧卿遺公庫酒肉薪米

不是故人供祿米初非縣令給豬肝養賢禮厚隆三簋

拜賜恩深豔一簞

韻語陽秋

江暉

暉字彥明永新人喜作詩事母極孝崇觀閒吉
守以八行薦不報自號轅陽居士

句

鬪草事空猶昨日惜花心在又明年

獨醒雜志

周子雍

子雍汝陰人學詩于陳無已

句

風生閭闔春來早月到蓬萊夜未中

容齋四筆大觀初京師元夕張燈時再復湟郡
徽宗賦詩賜羣臣云午夜笙歌連海嶠春風燈
火過湟中開封尹宋喬年不能詩走介求援于
其客周子雍得句云云為時輩所稱
曰瑤按耆舊續聞作趙鰈之子雍未知孰是

王 寘

寘字季達泉州人大觀初遊太學時蔡京當國
寘與同舍生陳朝老上書攻之坐遷自訟齋十
餘年宣和中以特奏名補官

絕句

耕田博飯未為辱為米折腰真可憐
高卧北窗風颯至更于何處覓神仙

泉州府志

王安中

安中字履道陽曲人第進士政和中自大名主簿累擢中書舍人翰林學士承旨出鎮燕山府召除檢校太保大名府尹兼北京留守司公事靖康初貶象州有初寮集

周平圉序公年二十有七送某曾大父詩云不論與汝小一月政自容君數百人專用吾宗公瑾伯仁事精切渾成不類少作

宣和七年十二月二十一日就睿謨殿張燈預賞

元宵曲燕應制

并序

臣比蒙聖恩召赴禁殿曲宴其日垂拱奏事退俟于睿謨外次花巾絲履進自東序促武再拜陞即坐席女樂數千陳于殿廷南端袍帶鮮澤行綴嚴政酒行歌啟音節清亮樂作舞入聲度閑美俱出于禁坊法

部之右于時臘雪新霽風日妍暖已作春意御榻之前有寶檻植千葉桃花陛下指示羣臣曰杪冬隆寒花已盛開于是皆頓首曰陛下神聖能回造化草木實被生成之賜乃先時呈瑞以悅聖情日既中仄甫畢初筵有旨許登景龍樓由穆清廉外閣道以東升望艮嶽松竹蒼然南視琳宮雲烟絢爛其北則清江長橋宛若物外都人百萬遨遊樓下歡聲四起尤足以見太平豐盛之象羣臣頌歎久之既久復詔觀于

穆清遂侍宴于平成萬炬層出彌望不極如星挂空
而光彩動搖于海雲濤波之上戶牖屏柱茶牀燎爐
皆五色琉璃綴以夜光火齊照耀璀璨從官環繞則
又都合宮蕭臺崇樓傑閣森羅布縵臣心目震駭莫
有能測其機緘制作之妙已而陪從天步至會寧殿
瓊鋪珠箔合沓炳煥其所陳則虞敦夏鼎商盤紀甗
龍文夔首雲雷科斗真若邃古三代之物陛下既于
黼坐親取寶器酌酒臨勸命宮婢奏細樂于前玉食

嘉果南珍海錯手自分賜載色載笑雍容無閒羣臣
飲德莫不霑醉夜分乃散歸路觀者如堵他日稱謝
陛下申諭一二輔臣俾作詩以記而臣安中預焉臣
猥以凡才蒙陛下親擢備位政府曾未閱月有此非
常之遇形容頌實雖無詔旨猶當自效惟是鈞天帝
所昔人夢寐或有形開而悟想像莫及而臣今者身
歷邃嚴目擊竒勝顧嘗以文字誤被聖獎且面命之
其榮至矣

序見清波雜志

上帝通明闕神霄廣愛天九光環日月五色麗雲烟紫
氣開三極瓊瑤列萬仙希夷塵境斷髮髯玉經傳妙道
逢昌運真王撫契賢龜圖規大壯龍位正純乾穹昊親
無間皇居掇自然剛風同變化祥氣共陶甄層觀星潢
上重闔斗柄邊摩空七雉峻冠嶠六螯連夢想何曾到
階升信有緣昕朝初放仗密宴忽聞宣清禁來鳴佩修
廊入並肩獸鋪金半闔鸞陣繡微褰霽景留庭砌雷文
繪桷挺宮簾波錦漾殿榜宇金填花擁巍巍座香浮秩

秩筵蒿呼稱萬億韶奏侍三千華歲推堯歷元璣候舜
璿冰霜知臘後梅柳認春前造化應呈巧芳菲已鬪妍
樛枝彫檻小多葉露桃鮮錯落飛杯斚鏘洋雜管弦承
雲歌歷歷回雪舞翩翩黼幄祥氛合銅壺永漏延鎬京
方置醴羲馭自停鞭乃聖情深渥諸臣意更虔宗藩親
魯衛相芾拱闕顛側弁恩光泱中觴詔蹕旋寶薰攜滿
袖御果得加籩要賞嬉游盛俄追步武端騰身複道表
送目夾城暝仰揖蒼龍象旁臨艮嶽巔謳歌紛廣陌簫

鼓樂豐年赫奕攢輕幃珍奇集市鄺博盧多袒跣飲肆
競蹁躚蕃衍開朱邸崔嵬照彩椽橋虹灣矗矗江練泮
濺濺擊柝周廬晚張燈別院先餘霞搖綺暈列宿舍珠
躔浩蕩三山島棱層十丈蓮再趨天北極卻立榻東偏
既用家人禮仍占聖製篇兕觥從酩酊蟾魄待嬋娟轉
眄隨親指環觀得縱穿曲屏江浪撼巨柱赤蚪纏光透
垂枝井晶銜帶壁錢蕭臺千級峻重屋八窗全就席花
整市行樽紫袖擅交輝方爍爍起立復闐闐邃宇會寧

過中宵勝賞專鋪陳尤有韻清雅不相沿戶箔明珠串
欄釭水碧捲規模商甌鑄款識魯壺鐫秦曲移箏柱唐
妝儼鬢蟬窄襟珠綴領高朶翠為鈿喜氣排寒冱輕颺
洗靜便層琳藉璣組方鼎炷龍涎瑪瑙供盤大玻璃琢
璣圓暖金傾小榼屑玉釀新泉帝子天才異英姿棣萼
聯頻看揮斗筰端是吸鯨川推食俱均逮攘餐及墜捐
海螯初破殼江柱乍離淵寧數披緜雀休論縮項鰻南
珍誇飮餽北饌厭烹煎賜橘懷顙卵酡顏醕寶船言歸

荷慈惠末節笑拘攣放鑰嚴局啟籠紗逸足牽冰輪挂
銀漢夜色映華韉人識重熙象功參獨斷權五辰今不
忒六氣永無愆天紀承三古時雍變八埏比閭增版籍
疆場罷戈鋌文軌包夷夏弦歌徧幅員恢儒榮藻薦作
士極魚鳶慶胄貽謀顯多男景福縣迓衡常穆穆遵路
益平平亭障今踰隴耕耘久際燕信通鵬海漲威竄犬
戎羶東擬封雲岱西將款澗瀍琳科宣藥笈玉府下雲
輶帝籍勤初播宮蠶長自眠繭絲登六寢稔米秀中田

廟鶴垂昭格壇光監吉蠲靈芝滋菌蠢甘醴湧潺湲合
教尤風革頌經衆疾痊雨隨親禱降河避上流遷執契
皇猷洽披圖福物駢太和輸橐籥妙用絕蹄筌此際君
臣悅應先簡冊編雅稱魚罩罩頌述鼓咽咽詎比千齡
遇猶聞四始箋羈臣起韋布陋質媿駑鉛驟俾陪機政
由來出眷憐恩方拜綸綍報未效塵涓密席叨臨勸凡
蹤第曲拳雖無三峽水曾步八花輒渝望知難稱才慳
合勉旃鈞天思盡賦賸續白雲牋

揮塵後錄

宋史本傳徽宗嘗宴睿謨殿命安中賦詩百韻以紀其事詩成賞歎不已令大書于殿屏凡侍臣皆以副本賜之

立春帖子

彤霞積霧繞觚稜樓雪融銀滴半層別曉擬開延福宴

夾城先試景龍燈

皇帝閣

玉燕翩翩入鬢雲花風初掠縷金裙神霄宮裏驂鸞侶

來侍長生大帝君

妃嬪閣

二首政和七年進

幼老春秋王安中以文章有時名交結蔡攸攸善之引入禁中太上賜燕飲半酣是時鄭妃有

寵猶未正中宮上出之鄭氏簪玉花上有雙飛
玉燕攸謂安中曰豈可無詩安中即作詩進之
太上大喜

藥笈琅函受祕文清虛道合玉晨君瑤臺夜靜朝真久
金屋春寒閱錄勤皇后閣

瞳矐曉日上金鋪的皪春冰泮玉壺繡戶綠窗塵不到
凝酥點就輞川圖妃嬪閣 二首重和二年進

墨莊漫錄云不唯才思清麗皆紀當時事也

題王維畫嘉陵江山圖

江山已暗大同殿絲管猶喧凝碧池別寫嘉陵三百里
右丞心事與誰知

過庭錄明皇幸蜀過嘉陵愛其江山命吳道子
圖于大同殿壁王維復畫小簇履道詩云云

王摩詰釣魚圖

我本江湖人市朝豈無心偶然墮世網如鳥思長林交
親豈不多之子德我深賜沐有餘閒一馬如相尋茅亭
容膝耳九衢可窺臨挂壁出古圖驚笑靡自任筆墨麤
可識佳處疑非今佳哉王摩詰風味我所欽自狀釣車

圖葦閒相挈音有如漢陂遊一杜挾兩岑坐令黃塵中
思落清江潯秦子詩思古清新間雄沈示我五字句月
杵鳴秋砧回杯勸摩詰對畫手自斟我賞子高趣子聆
我微忱譬如影與形妙在同一陰我時坐其旁清風溢
幽衿歸來步長廊缺月戶半侵丹鳥已過草茵頗猶哦
吟煩公有聲畫相我無弦琴

次秦夷行觀老杜畫像韻

寒折天吳圖飢糴太倉粟拾遺官在朝何異老林麓英

風想廉藺妙手傳顧陸蒙茸頭傾冠駸駸銕脫足熊兒
與阿段左右相扶逐生平經綸具悵望青蒲伏窮塗付
麴蘖放意謝羈束草堂幸無事君騎時見辱清吟動霄
壖逸豔驚魚目顧茲神明意豈易丹青卜當時腰長鏡
憔悴十指禿聲名乾坤破生事歲月促但聞列仙臞豈
見肉食墨企予攀逸駕短步羞匍匐不能師廣袖乃爾
好奇服嗜詩得雋永徐味自當肉不知褒公貴顧謂何
郎俗窮通等夢幻思慮自振觸苦吟祇效尤呼醜進蟻

綠

祁陽成逸畫浯溪圖相示為作長句

少文閱世老不出自畫雲山滿牆壁澄懷觀道追所歷
坐覺琴聲隱金石我亦七年湖外客夢中猶汎湘江碧
浯溪之圖喜新得身卧嶺南心嶺北憶嘗畱語溪邊僧
異時人讀唐中興說與此乃秦典刑三句入韻之眾銘
今欲復作誰可令似有元結無真卿風烟慘淡萬古情
不如且尋畫隱成

以上聲畫集

象州上元

二年白玉堂揮翰供帖子風生起草臺墨點澄心紙三
年文昌省拜賜近尺咫紅蓼盼御盤金幡裊宮櫺晚為
日南客環堵隱烏几朝來聞擊鼓土牛出城市幽懷不
自開欲逐春事起安得五畝園種蔬引江水

清波雜志

句

後人誰促漁陽戰舊守猶遷象郡來

初到象州遺史

中興

馮熙載

熙載字彥為衢州西安人大觀元年進士宣和
閒由尚書左丞遷中書侍郎出知亳州提舉洞
霄宮卒諡文節

宣和七年十二月二十一日就睿謨殿張燈預賞
元宵曲燕應制

化工欲放陽春到先教玄冥戮衰草凝冰封地萬木僵
誰向雪中探天巧璿璣星回斗指寅羣芳未知時已春
人心蕩漾趁佳節燈夕獨冠年華新昇平萬里同文軌

井邑相連通四裔蘭膏競吐夜烘春和叔回車避羲轡
巍巍九禁倚天開溫風更覺先春來試燈不用雨花俗
迎陽為卻寒崔嵬宣和初載玄冬尾瑞白纔消塵不起
穆清先賞屬欽鄰錦繡雲龍頒宴喜初聞傳詔開睿謨
步障幾里承金鋪調音度曲三千女正似廣樂陳清都
遏雲妙唱韓娥侶回雪飛花稱獨步千春蟠木效紅英
獻壽當筵豈金母上林晚色烟靄輕景龍遊人歡笑聲
霞裾月佩擁仙仗翠鳳挾輦趨平成銅華金掌散晶彩

翠碧重重簇珠琲先從前殿望脩廊日出綺霞紅滿海
神光通透雲母屏驪龍出舞波濤驚煌煌黼座承天命
座下錯落如明星榻前玉案肴核旅獸炭銀爐夜初鼓
憲天重屋訝雲屯崇道簫臺疑蜃吐前楹火柱回萬牛
蘭卿壁碎光色浮周圍照耀眼界徹冰壺漾月生珠流
點點金錢盡銜壁豹髓騰輝粲銀礫絲篁人籟有機緘
噉繹清音傳屋壁須臾隨蹕登會寧如驂鸞鶴遊紫清
彩蟾倒影上浮空纖雲不點惟光明四壁垂簾玉非玉

銀缸吐豔相連屬
琴楣橫帶碧玻璃
一朵翠雲承日轂
萬光閃爍爭吐吞
燭龍銜耀輝西崑
又如電母神鞭馳
金蛇著壁不可捫
端信奇工通造化
豈比偃師能幻假
丹青漫數顧虎頭
盤礴解衣未容寫
此時帝御鈞天臺
紫垣兩兩明三台
尚方飲器萬金寶
古玉未足誇雲雷
帝傍侍女雲華品
玉立仙標及時韻
四音促柱泛笙簫
應有翔鸞落千仞
龍瓶瀉酒如流泉
御廚絡繹紛珍鮮
榻邊爭欲供天笑
快倒頗類虹吸川
厭厭夜飲方歡洽
玉

漏頻催鼓三疊金門初下醉歸時正見冰輪上城堞微
臣去歲陪清班惡詩誤辱重瞳觀小才易窮真鼠技再
賦愈覺相如慳

詩話總龜

王 漢

漢太常博士知潮州

題湖山立石

如碑卓水濱磊落未名聞
薛駁瓊姿出蝸行篆字分
器渾猶抱璞勢迴已凌雲
幸免隨金鋟寧憂與玉焚
螭形

徒岌岌鳥跡欠云云若使昌黎見應摘逐鱷文

潮中雜記

宋詩記事卷三十七